

S BERSNTOLER KULTURINSTITUT SUACHT MITÖRBETER: UNTERSUACHER ONT VIARER VER DE MUSEEN

Der bando ver untersuacher ist as de internet sait van omt ont de vrog meing ogem kemmen fin hait za mitto.
Ver en sèll van viarer mu menogem de vrog finz en vaita as kimmp

L'Istituto Mòcheno ha indetto una selezione pubblica per l'affidamento di incarichi in attività di ricerca a carattere linguistico, in particolare per il progetto Banca dati linguistica e per quello relativo al correttore ortografico. Un'altra selezione, invece, è finalizzata alla ricerca di personale in qualità di guida all'interno delle strutture del Bersntoler Museum e di altre manifestazioni per l'anno 2022.

S Bersntoler Kulturinstitut hot ausgaleik an bando ver za suachen mitörbeter. S ist a selesion ver vrong va òrbetn va untersuach as de inser sproch. Oa'n van bichtestn ziln van Institut ist za tröng evire ont gem bërt en de sproch. Being en sèll, en de leistn jarder sai' kemmen organisiart vil projektn asn tema va de sproch. De doin projektn kearn um en tema va de klöfft ont va de tschrim sproch. De earstn sai' za paispil de interviste, de fim ont ölls sèll as hot za tea' pet en sèll pet en klöfft. De projektn as de tschrim sproch enveze kearn um en schrift. De Grammatik "Liacht as de sproch" as ist kemmen tschrim van professor Antony R. Rowley en 2002 ont as ist bider gadruckt kemmen en 2017 pet de zwaite edizion, ist gaben der earste tritt ver za learnen za schraim s bersntolerisch. De ist kemmen gadruckt no vil jarder va untersuach ont òrbet ont er ist s hèrz van ölla de projektn as de sproch as sai' kemmen gamòcht derno. Dòra sai' kemmen gamòcht vil projektn kursn, piacher ont strumentn. De leistn projektn, iberhaup pet en enviretrong der studio va de sproch, leing ölbe mear zòmm der



tema van klöfft pet en sèll van tschrim. An paispil ist der projekt va de datnponk as hot gamòcht de earst tritt nou en 2003. Der zil ist za veròrbetn a groasas beirterpuach van bersntolerisch. Oberde ddatnponk ist nèt lai sèll as ber sai' gabe't, a puach pet drau de beirter pet de iverset. De datnponk ist digitalet. An iats bourt hot a skeda bo as kemmen tschrim ölla de informazionen asn sèll bourt: abia as men schraipt s, abia as men sok s en Palai, en Vlarotz ont en Oachlait, de sinonimi,

menn s ist nou kemmen tschirm en öndra ölta beirterpiacher, bos as bill song s bourt, an lettratt, ont öndra informazionen. S ist an òrbet as mechet ver jarder envire gea' bavai men mu ölbe öndra informazionen drinnleing. Being en sèll s Institut vrok öll jor de mitòrbet va untersuacher, abia za paispil iaz pet en doi bando. De mitòrbeter as barn auganommen kemmen pet en doi bando, barn möchen untersuach ver en projekt van Bersntoler beirterpuach ont ver en

sèll van rechtschreibprogramm. Der òrbet bërt tauern finz as de rif van jor. De mentschn as barn auganommen kemmen miasn bersntolerisch (pet en patentin), balsch ont taitsch kennen, hom der diplom va hoaschual oder de laurea ont kennen de òrbet va untersuach.

Ont abia öll jor, s ist kemmen ausgaleik der bando ver za nemmen au mitòrbeter ver en Bersntoler museum ont en öndra trèffen abia viarer ver de pasuacher ver en jor 2020.

S ist a selesion ver titln ont pet an esam, lai klöfft. Ver za nemmen toal verlònk men za hom 18 jor. De enteressiaretn miasn men ogem der modell va de vrog pet ölla de datn ont zòmm pet en curriculum vitae. Dòra kimmp organisiart an trèff pet de derstelln van Institut ver za sechen de kompetenz en doin temen: bersntoler sproch ont kultur, taitsch ont englisch, schoa' gaòrbetet hom en an museum, titln va schual oder va universitet ont öndra titln. De viarer va de doi selesion ist de Claudia Marchesoni. De vrog mias ogem kemmenen sitz van Bersntoler Kulturinstitut en Palai vour en vraita as de 15 van doi mu'net (en vraita as kimmp). Non de doi selesion kimmp gamòcht a graduatoria.

De resultataun va de selesion bart kemen tschickt per e-mail vour en vraita as de 29 van oberel. Ver de selesion ver untersuacher, de vrog zòmm pet an dokument mias tschickt kemmen vour hait za mitto pet an e-mail en adress kultur@kib.it. Ver de sèll ver viarer, vour en vraita as kimmp. Öndra informazionen ont der modell va de vrog sai' en internet as de sait van Bersntoler Kulturinstitut. .

LORENZA GROFF

Klöffen, sprechen, parlare. Attraverso la lingua mòchena Durchs Bersntolerische



La lingua rappresenta un patrimonio culturale individuale e collettivo. La mostra aperta fino ad autunno presso la sede del Bersntoler Kulturinstitut ne ripercorre gli aspetti più significativi attraverso documenti, immagini e testimonianze della lingua mòchena.

De ausstell
2021-2022
van Bersntoler
Kulturinstitut

De sproch ist an schòtz ver an iats mentsch ober ver de gamoa'schòftn aa. De ausstell "Klöffen, sprechen, parlare - Attraverso la lingua mòchena Durchs Bersntolerische" as ist kemmen organisiart vertn van Bersntoler Kulturinsitut stellt vour en de lait, pet dokument, kunstschriftn

ont lettratt, de bichtestn temen as kearn um en de sproch. En doi austell, s bersntolerisch ist a mittl ver za kontarn van tema van klöfften. En binter de offezaiten va de ausstell sai': van ma'ta finz en vraita va um öchta ont a hòlbs finz um zbelva ont a hòlbs ont va um zboa finz um viara nomitto.

Kuratoren van austell sai' de linguist Daniela Mereu ont Claudia Marchesoni ont Leo Toller van Bersntoler Kultuinstitut gëltsgott en de zòmmòrbet va Birgit Alber, Federica Ricci Garotti ont Daniela Mereu.

LORENZA GROFF

De Alpn: sprochen ont mearkulturalismus en prais Mario Rigoni Stern

Der konkurs denkt de figur van pakonnt piacherschraiber as hot ölbe en hèrz gahòp de Alpn ont de kultur van lait



Mario Rigoni Stern per la letteratura multilingue delle Alpi, un premio che valorizza la multiculturalità e il plurilinguismo che da secoli caratterizza l'ambiente alpino. Un concorso che ricorda la figura del grande scrittore e l'amore incondizionato per la sua terra.

An öndra edizion van prais «Mario Rigoni Stern per la letteratura multilingue delle Alpi» ist kemmen organisiart. S ist an bichtegen trèff as denkt derpiacherschraiber Mario Rigoni Stern as hot ölbe tschrim van Alpn ont van sai' lem af de pèrng.

Der konkurs ist an vurm ver za tröng envire s sai' gadenk ont ver za gem bërt en ölla de sèlln as hom en hèrz de Alpn, pet de sai' mearsprocheket ont mearkulturalismus, ont as òrbetn ver za derhòltn de doi bëlt. Der konkurs kimmp organisiart va de familia van Mario Rigoni Stern ont van an komitat van öndra omtn, as kemmen koordinatiart va de Ars Venandi. En konkurs meing toalnemmen òrbetn ont piacher, saggi ont gschichtn, as sai' schoa' kemmen gadruckt ont as hom der tema van Alpn. De òrbetn meing tschrim kemmen en oa'na van sprochen as kemmen klöfftn as de Alpn ont nèt lai de offizialn sprochen ober de sprochen mider kennt abia de inser aa. De piacher miasn gadruckt kemmen sai' en de leistn zboa jor.

De temen van piacher as nemmen toal sai' za paispil: de löntschòft, de natur van Alpn, de òrbetn, de lait ont de gamoa'schòftn, s kajag, s kriag, de ölten gschichtn ont asou envire. Abia as

men sicht, de temen hom ölla za tea' pet en lem va de gamoa'schòftn as lem as de Alpn. Bavai an konkurs ver piacher as klöfften van Alpn? De lait as lem as de doin pèrg hom veròrbetet en de jarder a sai' nega oa'zega bëlt, as ist gamòcht va sprochen, praich, kultur. S ist a bëlt as leik zòmm der nord ont der sud ont as mu sai' a paispil ver de bëlt as se sai' noch za veròrbetn en de gònz Europa. De letteratur, de piacher sai' de strumentn as meing paschraim ont derhòltn de doi bëlt.

Mario Rigoni Stern, der pakonnt piacherschraiber, hot ölbe tschrimva de doi bëlt. Er hot ölbe klöfft van sai' lem, gamòcht va pèrng, lait, umbëlt, vicher, löntschòft, kultur ont sprochen. Der prais trok envire de sai' figur, der vrait ver de pèrng, de Alpn, de ummbëlt ont de lait. Der prais suach za gem bërt en ölla de sprochen as kemmen klöfft as de Alpn ont s ist being en sèll as men mu toalnemmen pet an òrbet tschrim en ölla de sprochen as kemmen prauht as de Alpn, za paispil de inser aa (s ist ganua as de sproch hot de regln va de ortografi).

Men mu toalnemmen pet òrbetn as sai' schoa' kemmen gadruckt. S hot a juria va vinf mentschn as schauk aus de piacher ont as gem der prais va vinf tausnt euro en schea'neste puach.

De piacher miasn ogem kemmen vour de 30 van oberel. Ver öndra informazionen mu men schaung de internetsait <http://www.premiomariorigonistern.it>.

LORENZA GROFF